

նոնցմէ փիլիսոփայական սկզբունքներ կը քաղեն, թո՛ղ նմանին անոնց նաև կրօնով: Եթէ կը խորհին թէ անոնք սխալ են, թող երթան Գալիլիացիներու եկեղեցիները և հոն Մատթէոս և Ղուկաս մեկնաբանեն...»<sup>(16)</sup>:

Կայսերական այս կաշկանդիչ տնօրինութիւններու դէմ եկեղեցական առաջնորդները շուարած էին: Եղածը եթէ հին ձևի բացարձակ և արիւնահեղ հալածանքի ընդօրինակութիւնը ըլլար, կրնային «գիմադրել» նահատակուելով, և մարտիրոսներու արիւնով եկեղեցին կ'արգասաւորէր ու հաւատացեալներու խումբը հոգեկան արիւթեամբ զօտեպնդուած կը պահպանէր իր սեղմ կազմակերպութիւնը: Բայց պայքարի ի՞նչ մեթոտ կրնային կիրարկել Յուլիանոսի այս շփոթեցուցիչ օրէնքներուն դէմ:

Շունչերնին բռնած, սպասողական քաղաքականութիւն որդեգրեցին, սրտերնին գողահար, ոչ թէ եղածներուն, այլ ըլլալիքին: Քանզի արքունիքէն և խանդավառ հեթանոս շրջանակներէն արդէն սպառնական շուկներ շրջանառութեան մէջ գրուած էին, ըսելով թէ քրիստոնէութեան դէմ շատ աւելի խիստ միջոցներ պիտի գործադրուէին Յուլիանոսի պարսկական արշաւանքէն յետոյ: Անգամ մը որ պարսիկ սարսափը ջախջախուէր, կայսրը իր ամբողջ ուշադրութիւնը պիտի դարձնէր միանգամ ընդմիշտ վերջացնելու համար քրիստոնէութեան «չարիքը», և անգամ մըն ալ յաղթական տիրապետէին հին աստուածները, որոնք զարերով զօրացուցեր և պահպաներ էին մեծածաւալ Կայսրութիւնը:

ՀՐԱՆԻ Ք. ԱՐՄԷՆ

Նոր-նախիչ (14)

(16) Julian, No. 36, Vol. 3, p. 117-123.



## ԵՐԱԺՇՏԱԳԻՏԱԿԱՆ

Մ Ի Ջ Ն Ա Դ Ա Ր Ե Ա Ն

Հ Ա Յ Կ Ո Մ Պ Ո Ջ Ի Տ Ո Ր Ն Ե Ր

6.

ԵՐԱԺԻՏ ՍՏԵՓԱՆՆԱՍ ՍԻՒՆՅԵՑԻ

Ութերորդ դարի առաջին կէսի հայ երաժշտական արուեստի պատմութեան մէջ պատուաւոր տեղ է զբաւում Ստեփաննոս Յիւնեցին, ժամանակի ամենանշանաւոր գիտնականներից մէկը, որ փայլում է ո՛չ միայն որպէս երաժիշտ և հոգևոր երգերի հեղինակ, այլ և հռչակուած է իրրև քաջ լեզուագէտ, «խմաստասէր», քերականագէտ մատենագիր և «քերթող»: Գրեցին Ա. Կաթողիկոսի «Յիշատակարանք Ձեռագրաց» 54րդ էջում, 712 թուին գրուած ձեռագրի (էջմիածին) յիշատակարանում կարդում ենք. «Ք վեցնազարերորդի երկերբերորդի քսաներորդի ամի արարածոց աշխարհիս (այսինքն՝ փրկչական 6220 — 5508 = 712թ.) . . . յերկրորդ ամի թագաւորութեան Փիլիպպոսի, թարգմանեցան զիրքս սրբոյն Դիոնիսիոսի: Արդ՝ պագացւոյ . . . և ի ձեռն Ստեփանոսի քահանայի և քերդողի, աշակերտի տեանն Մովսիսի Սիւնեաց Եպիսկոպոսի»: Այս տողերը նշում են, որ Սիւնեցին եղել է նաև թարգմանիչ:

Այս պայծառ հոգևորականը Հայաստանի հին մայրաքաղաք՝ Դուրնի հայ ժողովրդի հպարտութիւնն է: Այդ հանգամանքն է հաստատում մի թանկագին վաւերագիր: Դա պատմարան Ստեփաննոս Օրբէլեանի «Պատմութիւն նահանգին Սիսական» երկն է, ուր կարդում ենք. «Սա (Սիւնեցին) հայոց մեծ մայրաքաղաք Դուրնի աւագ երէցի որդին էր և սնուած ու զարգանում էր ուսումով հայոց կաթողիկոսարանում»:

Հայրը՝ Տ. Սահակը, լուսաւոր և առաջադէմ մի քահանայ, իր զաւկի ուսման և կրթութեան գործը զնում է լաւագոյն հիմքերի վրայ: Ուղարկում է նրան Մաքենոցաց վանքը, ուր աշակերտում է «հայրերի հայր» Սաղամին: Այնուհետև անցնում է

Սիւնեաց վարդապետարանը և սովորում ժամանակի գիտուն հոգևորական Սիւնեաց Մոսթէս Բ. Եպիսկոպոսի մօտ, ուր լուրջ կրթութիւն է ստանում: Առանձնապէս հրմտանում է կրօնական գիտութիւնների մէջ և որոշ ժամանակ նուիրում է ուսուցչական գործունէութեան: Ապա վերադառնում է Դուին, ուր զբաղւում է Հին և Նոր կտակարանների մեկնութեամբ: Սակայն, մի հանգամանք նրա կեանքում վճռական դեր է կատարում: Դուինում հանդիպում է հայ նշանաւոր իշխաններից Սմբատ Բագրատունուն, որ իմաստասիրական գիտութիւնների մասին ունէր լայն պատրաստութիւն: Կրօնական խնդիրների շուրջ Սիւնեցին իշխանի հետ վէճի է բռնում, որը շուտով սուր կերպարանք է ստանում: Իշխանը Սիւնեցուն կոչում է տգէտ և սկսում է նրան հալածել: Սիւնեցին ստիպուած գաղտնի անցնում է Բիւզանդիայի կայսրութեան մայրաքաղաքը՝ Պոլիս, ուր սովորում է յոյն ու լատին լեզուները, միաժամանակ մի վանականի մօտ խորանում է իմաստասիրական գիտութիւնների մէջ: Այնուհետև ուսման սիրով անցնում է Աթէնք և էլ աւելի խորացնում իր գիտական պատրաստութիւնը: Յետոյ նորից վերադառնում է Բիւզանդիոն և թարգմանում մի շարք նշանաւոր երկեր: Ապա գնում է Հռոմ, այնտեղից էլ վերադառնում Դուին և ամբողջապէս նուիրում գրական ստեղծագործութեան: 729 թուին Դաւիթ կաթողիկոսը նրան Սիւնեաց եպիսկոպոս է ձեռնադրում, որից յետոյ նա քարոզում է իր թեմի 12 համայնքներում: Սակայն, 735 թուականին ունենում է ողբերգական վախճան: Մոզ աւանում, Աւագ Ակն աղբուրի մօտ, բաց օդեայ քնած ժամանակ, մի անբարոյական կնոջ ձեռքով սպանւում է սրով, որին իր անպարկեշտ վարքի համար սաստիկ յանդիմանել էր: Ըստ պատմիչների, յաջորդ օրը Վայոց ձորում տեղի ունեցած աղետաբեր երկրաշարժը հիմնայատակ կործանում է Մոզն՝ իր 10.000 բնակիչներով: Այդ օրից էլ աւանը կոչւում է Վայոց ձոր, իսկ անպարկեշտ կինը խղճի խայթից սաստիկ տանջւում է, առանձնանում մի փոսի մէջ և ողբերգական պայմաններում վախճանւում: Իր գարաշրջանում Սիւնեցին, որպէս զարգացած հոգևորական, ո՛չ միայն ժողո-

վրդից սիրւում է, այլև Օրբէլեանի վկայութեամբ, հայ գրականութեան նուիրում է մի քանի թղթեր, որոնցով պաշտպանում է Հայ Եկեղեցու դաւանութիւնն ու ձէտերը յոյների առարկութիւնների դէմ. զբաղւում է նաև մեկնութիւններով, թարգմանութիւններով<sup>(\*)</sup> և քերականական օրէնքների ուսումնասիրութեամբ ու պարզարանութեամբ: Այդ պատճառով էլ կոչւում է նաև «քերթող»:

Սակայն, Սիւնեցին հռչակւում է նաև որպէս երաժիշտ: Նրա գրչին են պատկանում «Աւագ օրհնութեանց» ընտիր շարականները: Այս մասին ահա 13րդ դարի պատմագիր Կիրակոս Գանձակեցու վկայութիւնը. «Արար երգս հոգևորս քաղցր եղանակաւ՝ շարականս, կցորդս և երգս: Նոյն երևոյթն ընդգծել է նաև Ստեփաննոս Օրբէլեանը. «Արար և ճառս բազումս, բաժանեաց և դուր ձայնս և կարգեաց, շարեաց շարականս՝ զյարութեան օրհնութիւնսն երգեաց և կցուրդս, քաղցրահամս յարմարեաց և զսուուզողին Յինանց եօթն եղանակօք յոյժ խորհրդաւոր և զպահոցն և որ յաղուհացսն երգի, մեկնեաց և զխորհուրդ գրչերային պաշտամանս»:

Այս վաւերագրերն էլ վկայում են, որ Ստեփաննոս Սիւնեցին երաժշտական լուրջ պատրաստութիւն է ունեցել և իր դարի փայլուն երգիչներից մէկն է հանդիսացել: Նոյնպէս նա առաջին հեղինակն է, որ հոգևոր երգերի կանոնը և կարգը հաստատել է եկեղեցական ժամերգութեան մէջ:

Վաստակաւոր մատենագիր և երաժշտի նշխարներն ամփոփուած են Մոզից ո՛չ շատ հեռու, Թանահատի վանքում: Սիւնեաց պատմիչ Ստեփաննոս Օրբէլեանը, նկարագրելով Սիւնեցու մահն ու թաղումը Թանահատի վանքում, ընդգծել է նաև հետեւալը. «Եւ շինեալ ի վերայ փոքրիկ մատուռ մի, զոր յետոյ ի Չիւլ (728 + 551 = 1279) թուականին շինեցին բնակիչք տեղւոյն եկեղեցի զմթերթայարկ, գեղեցիկ յօրինուածովք, և եղին զտապան սրբոյն ի նորայ»:

(\*) Թարգմանութիւններից յայտնի են՝ Դիւնեփոս Արիպագացու գործերի մի մասը, Կիրեղ Աղէքսանդրացու «Պարապմանց» Գիրքը և Գրիգոր Նիսացու «Յաղագս Բնութեան Մարդոյ»:

7.

ԵՐԱԺԵՏՈՒՆԻ ՍՍ. ՀԱՆՐԱՊԵՏՈՒԹՅԱՆ

Ուժեղորոգ դարձի հայ մշակույթի պատմութեան մէջ նշանաւոր և բացառիկ մի երևոյթ է այն պայծառ ու հմայիչ հայուհու անունը, որ իր գեղարուեստական գործունէութեան ընթացքում ընդգրկել է մէկ նպատակ — նպաստել ժողովրդի երաժշտական դաստիարակութեան վեհ գործին: Դա նշանաւոր մատենագիր, գիտնական, իմաստասէր, լեզուագէտ և երաժշտ Ստեփաննոս Սիւնեցու քոյրը՝ Սահակագուխան է, առաջին հայ բանաստեղծուհին ու երաժշտուհին, որ իր ամբողջ էութեամբ նուիրուել է իր ժամանակի հայ երաժշտութեան զարգացմանը, միաժամանակ դաստիարակել է մի ամբողջ երաժշտասէր սերունդ:

Մեզանից 1255 տարի առաջ ապրող այս տաղանդաւոր երգչուհու և երաժշտուհու մասին չուենինք կենսագրական տեղեկութիւններ, միայն պատմագիր Ստեփաննոս Օրբէլեանն ընդգծել է այսպիսի թանկագին տողեր. «Եր սորա (Ստեփաննոս Սիւնեցու) քոյր մի, ՚ի մանկութենէ ստացեալ զվարս կուսութեան և առանձնացեալ ՚ի ձորակին Գառնուոյ յայրի միոջ, և անտանելի վարս ճգնութեան կրէր յանձին. որոյ անուն Սահակագուխ: Սա յոյժ հմուտ էր երաժշտական արհեստին, որ և ՚ի ներքոյ վարագուրինստեալ՝ ուսուցանէր զբազումս: Եւ արար կցուրդս և մեղեդիս քաղցր եղանակս, յորոց մին՝ Օրբուհին Մարիամ, որ իւրով անուամբն է յօրինեալ»:

Տաղանդաւոր բանաստեղծուհու յօրինած «Օրբուհի Մարիամ» երգից այստեղ գծենք միայն մի պատկեր.

«Օրբուհի Մարիամ, սպիտ ոսկի եւ  
 Տապանակ կտակարանաց,  
 Որ զի վերուս զնացն կեանց՝ պարզե-  
 ւեցեւ քաղցեալ բնութեան,  
 Առ նա միտ բարեխօսեա վասն քաւու-  
 րեան մեղաց մեռցօ:

Երաժշտուհու մասին Հ. Ղևոնդ Ալիշանը ևս արձանագրել է սեղմ տողեր, որոնք ընդգծում են Սահակագուխի երաժշտական և մանկավարժական գործունէութիւնը: Ահա նրա բնորոշումը. «... Մե-

նորանին գրան առջև վարագոյր մը ձգելով, ինքն ալ ետեր նստած կ'երգէր ու կը սորվեցնէր իր աշակերտներուն: Շատ բարակ և բազմահղանակ երգեր շինեց, զոր մեր երաժիշտքն մանր ուսմունք կ'անուանեն և առանձնաբար կցորդք և մեղեդիք, որոնց գոնէ մէկ մասն անշուշտ կը գտնուի այսօր «Մանր Ուսմունք և կցորդք» գրոց մէջ»:

Պատմագիր Օրբէլեանի և Հ. Ղևոնդ Ալիշանի տողերը հիմք ունենալով՝ բանասէր Յարութիւն Գ. Շալիանը «Հայաստանի կոչնակնում երաժշտուհու մասին գրել է հետեւեալը. «Ուժեղորոգ դարուն կը հանդիպինք Ստեփաննոս Սիւնեցի կաթողիկոսին և մանաւանդ իր քրոջ Սահակագուխան» քաջ երաժշտագէտ ու բանահիւս ազնուատոհմ այս կոյսին՝ որ մենաստանի մը մէջ վարագոյրի մը ետեւէն սրբազան երաժշտութիւն կը դասաւանդէր բազմաթիւ ուսանողներու»:

Ուշագրաւ է, որ շնորհազեղ, առաքինագարդ և համեստ այս երաժշտուհին Տրդ դարում փայլում է իր հոգեկան ու բարոյական գեղեցիկ բարեմասնութիւններով և իր մաքուր ու անրիժ կենցաղով միշտ բարձր է պահում հայուհու վեհ անունն ու հմայքը:

Նշենք նաև մի այլ էական հանգամանք: Պատմաբան Ստ. Օրբէլեանի վկայութեամբ, Սահակագուխուը Հայաստանում նուիրում է նաև ժողովրդի առողջապահութեան վեհ գործին: Նա որոշ հիւանդութիւններ բուժում է երաժշտական գործիքներով: Հայ բժշկական պատմութեան մէջ դա մի ուշագրաւ երևոյթ է:

8.

ԵՐԱԺԵՏՈՒՆԻ ԽՈՍՐՈՎԻՊԵՏՈՒԹՅԱՆ

Տրդ դարի հայ երաժշտական արուեստի մի գեղեցիկ էջն է զբաւում երաժշտուհի Խոսրովիդուխի կեանքի պատմութիւնը:

Այս ազնիւ, տիպար և տաղանդաւոր հայուհին, որ իր մաւուր լուրջ պատրաստութեամբ և գեղարուեստական ուրոյն յատկանիշներով պատիւ է բերում հայութեան, իր ժամանակի հասարակութիւնից սիրում է ու յարգում ո՛չ միայն որպէս հմուտ երգահան, այլև լաւագոյն բանաստեղծուհի:

Խոսքովի գուլթարը դուստրն է Գողթն գաւառի նախարար Խոսքովի և քոյրը նահատակ Վահան Գողթնեցուն, որի կեանքի պատմութեան էջերը մեզ տանում են բարբարոս արար Կաշըմ ոստիկանի շրջանը: Հայ իշխաններին նա, հաւատարմութեան թուղթ ստորագրելու պատրուակով, հաւաքում է նախիջեանի եկեղեցին, ապա դռները փակել է տալիս ո՛՛հ հրդեհում: Նման սոսկալի տեսարաններով նա հայ ժողովրդին սարսափահար է անում, որպէսզի նրանք հաւատափոխ լինեն: Այդ ժամանակ էլ Կաշըմը Խոսքով իշխանի չորս տարեկան որդուն՝ Վահանին, ուղարկում է Դամասկոս, ուր նա մահմեդական որով է կրթւում ու դաստիարակւում: Ապա Խալիֆի կամքով արքունի դիւանի քարտուղար է նշանակւում: Այդ շրջանում նա Խալիֆի հրամանով գերի հայերին Դամասկոսից տանում է Դուին և Խրամ: Գողթան գաւառում նա, երկար տարիներ թափամուծից յետոյ, հանդիպում է իր քրոջը և այլևս Դամասկոս չի վերադառնում, իսկ արար ոստիկանի հայածանքից ազատուելու համար 30 երկար տարիներ թագնւում է վանքերում: Սակայն, թափառական կեանքից յոգնած և ծանծրացած, նորից վերադառնում է Դամասկոս, ուր և նահատակւում է:

Երիտասարդ եղբոր ողբերգական մահը խորապէս յուզում է իր քրոջ՝ Խոսքովի-գուլթարի, հոգեկան աշխարհը, որի խոր տպաւորութեան ներքոյ էլ նա յորինում է և իր եղբոր անմոռանալի յիշատակին նուիրում մի գողարիկ ողբ՝ «Զարմանալի է ինձ»՝ որը ձայնագրւում է երաժշտական սրտաբուլիս եղանակով:

Այդ սրտայոյզ շարականն ու եղանակն իրենց ջերմութեամբ և զգացմունքի անկեղծութեամբ այսօր ցայտուն գաղափար են տալիս Տրդ գարի տաղանդաւոր հայուն՝ Խոսքովի-գուլթարի, բանաստեղծական նուրբ ձաշակի և երաժշտական հմտութեան մասին: Ահա մի պատկեր այդ շարականից.

«Զարմանալի է ինձ, Բան գերգա երա-  
ժիւցականաց, ձայնս ողբոց բոց հնչումեք,  
ո՛վ երանելի Տեք Վահան, բնօրեալ Ասուծոյ:

... Զարհուրեցուցանէ քո եկնութիւնդ  
ըզմարմնոյս բնութիւնս, իսկ դու առաւել  
ցար, ո՛վ երանելի Տեք Վահան, սիրով  
Քրիստոսի:

... Որպէս զբաշ նահաւակ պատաստեալ  
ի պատեալով, կատարեցիր զընթացս քո ա-  
րիաբար յազգացըն յարաւայնոյ, դասաւորեալ  
ընդ անմարմնականս, ո՛վ երանելի Տեք Վա-  
հան, Գողթնեացն ի խխեցողո՞ս:

Այս քերթուածի արուեստն էլ ընդ-  
գծում է, որ Խոսքովի-գուլթարն իր գարա-  
շրջանում փայլել է ո՛չ միայն որպէս հմուտ  
երաժշտուհի, այլև իրրև լուսագոյն բա-  
նաստեղծուհի:

Արուեստի փայլուն ձիրքերով օժտուած  
այս հայուհու մասին Յ. Շալեանը «Հայաս-  
տանի Կոնչեպտում գրել է հետեւեալ սեղմ  
տողերը. «Աւթերորդ գարուն մէջ կ'ապրէր  
նաև Խոսքովի-գուլթար հայ բանաստեղծուհին,  
քոյրը մեր եկեղեցիի սուրբերէն Վահան  
Գողթնեցիի, որ յորինած է իր նահատակ  
եղբոր նուիրած ողբանուագ շարականն ու  
անոր եղանակը, ինքնին երաժշտական գո-  
հար մը և հայ կնոջ չափազանցօրէն զգայ-  
նիկ սրտի յուզումներուն, վշտին ու մոր-  
մօքին մէկ միսթիք արձագանգը»:

Այժմ մի հանգամանք անժխտելի է,  
որ գեղարուեստասէր այս հայուհին իր  
թանկագին օժանդակութիւնը բերել է Տրդ  
գարի հայ երաժշտական արուեստի զար-  
գացմանը:

Նրա մահից անցել են հազար երկու  
հարիւր երկար տարիներ, բայց նա չի մո-  
ռացուել և այսօր էլ գեռ ապրում է հայ  
արուեստասէրների սրտերում:

Ս.Ր.Ս.Մ ԵՐԵՄԵԱՆ

(Շարունակելի՛ 5)